



Kamis, 31 Maret 2022

Ogen : 2 Korinti 7: 1



Bersih Kula Ras Tendi



Istilah “lau la banci burihi” ngatakenca kerna lau me cairen si bersihna dingen banci mbersihkan. Lau nge si tuhu-tuhu bersih. Emaka adi lit si melket iburihi nge alu lau labo salu minak entah pe cairen-cairen si debanna. Adi kita muas, puasen nge siakap minem lau (air putih) asangken milo, nutri sari, fanta, ras sidebanna. Kemurnian lau e tuhu-tuhu mahanca kita puas dingen dagingta pe sehat.

Asum Paulus nehken surat 2 Korinti enda man perpulungen, tujunna pe mpersingeti perpulungen gelah ola tek nandangi pengaruh kalak si la tek. Emaka lit nge piga-piga hal si ipetangkasna i bas hal enda: kita ras pasangenta pe arus saphi kalak si tek, kebenaren la banci kongsi ras kejahatan, terang ras gelap pe la banci ersada. Kalak si tek arus naksiken dirina enggo lain ras kalak si la nandai Kristus.

Dibata enggo mpeserap kalak si tek i bas si la bersih nari. Ndarat ibas si melket nari, e maka olanai ngkuit si la bersih. Dibata enggo mpeserap kalak si erkiniteken e bas kalak si la mehuli nari. Ipeserap ertina enggo ikhususken. Iarapken kalak si enggo nggeluh alu meriah ka terus idalani kita gelah i bas si mehuli e kita enggo terbiasa, enggo jadi sikap hidup.

Rasul Paulus ngerana man perpulungen e gelah banci kita nggeluh dame kula ras tendinta. Tole ka kebersihen diri (mental ras spiritual erpengaruh) ije me tangkas teridah kedewasaan kinitekenta kerina.

Ingetlah rusur maka kita enggo ikhususken jadi sekerajangen Dibata, emaka sibahan lah sie jadi serta alu tetap erkemalangen dingen erpengendes man baNa. Tambah warina tambah serina kita ras IA sebab kita itepa segambar ras serupa ras IA. Alu terus menerus makeken diri erpalasken kata Dibata seh maka bas Tuhan kita jadi serta kap.